



肥馬哀太子發而進食

上

個禮拜散刊話公仔箱爭奪戰，馮景禧之後譚馬士·馮永發舉足輕重，事關佢係行內人，嚟加拿大有彪炳之實戰經驗；加以和到人，無論係邊家財主佬都信得佢過。唯獨礙於各種原因，佢已一一婉拒矣。

乜嘢原因？當中最大之理由相信莫過於馮夫人嚟溫哥華樂不思港，而譚馬士尊重太座之意願，又唔願意做



馮景禧大仔放逐紐約三年，三千食客，哀太子發而進食者唯財經局長肥馬時亨而已，認真有情有義也。

太空人，由是決定一動不如一靜也。

憶昔譚馬士拉埋天窗，新夫人花旗紐約陪讀學拍電影。雖則係富家子弟，紐約嚟三年佢哋又確係推到金睛火眼者。佢哋嚟皇后區租咗間僅足以容身之柏文，用百零蚊美金買咗架有水撥、車底有個窿（可以放得炸彈也）之錢七代步。境況雖則艱苦，對培養感情大有裨益。

紐約三年有紅袖添香，雖非臥薪嘗膽，實則與放逐無異。當年馮景禧

食客三千，班手下當中又豈無有心人者？唔係冇，但唔多。最有心者應數當今財政局長肥馬也。當其時肥馬嚟紐約睇住馮景禧紐約嘅生意，不忘請譚馬士夫婦食飯。

昔者，漂母「哀王孫而進食」，韓信不忘一飯之恩。今日，譚馬士則時刻記住肥馬請過佢食飯。鏟菜有別，其情則一。

大把拍也
起譚馬士·馮，早前佢原來先後同佐丹奴及UNIQLO傾緊，點知就爆發收購戰咯！

UNIQLO傾過嚟溫哥華之時代坊商場設店。傾到入港，有啲眉目啦，忽然之間兩者都叫jinput，乜解究？



馮永發先後同佐丹奴及UNIQLO傾緊，點知就爆發收購戰咯！

每 雙光碟淨重約二十

九百公斤光碟碎片，即係兩千兩百萬隻光碟。物流服務署（以前之政府印務局）乜事出咁大批光碟——而呢批光碟又點解要剪碎報銷呢？

無論係出於環保考慮，抑或向納稅人盡責，唔該鄧國斌會計署跟呢單嘢！

也事要報銷兩千萬隻光碟呢，又？

政府物流服務署

2006年8月21日

向香港特別行政區政府購買 445 900 公斤不同包裝的光碟碎片，以供循環再用，合約由 2006 年 11 月 25 日

講嘢

「個別事件」治港

只不過個零兩個禮拜，又多間經紀行出事。肥馬循例喻一輪「個別事件」、「個人操守問題」等等。咁樣做問責高官，搵條錄音帶都得啦，納稅人使乜年年支三、四百萬人工俸過佢，而又用架寶馬700載住佢呢度去，嘔度去，污染大氣層？

細經紀行頻頻出事，明顯不過係有人戶位素養、監管不力；出咗事喇，就賊過與兵，「救」投資者去港交所開個戶口。監管機構咁易做，咁使乜年年花五億銀整個證監會先？須知證監會阿頭拿奕禮人工連六百五十萬，一啲都唔平，仲高過肥馬。經紀行出事，但連影都唔見，更莫講話面對記者。此之為「強政勵治」乎？



經紀行出事，證監閃；番番梁「一頁」8號仔，證監過問都冇聲；海城爆發亦唔見佢哋事前、事後做過咩也。唔通真係無為而治，再唔係就「個別事件」就整到個「國際金融中心」出嚟？



▶ 韋奕禮支緊六百五十萬人工，經紀行接連爆煲，但淨係識得叫別人去港交所開戶口。莫非咁就叫「強政勵治」？

宗書華